

More-Nytt FOLK

Helsingar: Du kan legge inn gratulasjonar, meldingar om nyfødde, brudebilde m.m til nett- og papiravisa på **folk.morenytt.no**

Det kostar 100,- per helsing (nett + papir), og du bestiller og betaler på nett.

Døds- og takkeannonsar: annonse@morenytt.no

Minneord: redaksjon@morenytt.no

namnedag

19. OKTOBER

TOR: Mannsnamn som kan ha opphav i det norrøne ordet Þórir, som har usikker tyding, men kan vere ein samansetting med tyding «Tors krigar» eller «Tors prest». Namnet kan også vere kortformer av namn basert på gudenamnet Tor (Þórr) med opphav i ordet þunrar, «tore».

TORA: Norrønt kvinnenamn avleia av Tor.

20. OKTOBER

HENRIK: Ei opphavleg nedertysk form av det middelhøgtyske Haimirich. Namnet tyder «heimens herskar» – haimi svarer til norrønt heimr, «heim», og rich til gotisk reiks, «høvding» eller «herskar».

HEINE: Kan vere avleia av Henrik eller hebraisk Chayyim eller Chaim («liv»).

HENRIKKE: Lavtysk feminin form av Henrik.

GRATULERER



1 ÅR

Benjamin Opsal Lianes

Gratulerer med 1-årsdagen 16. oktober. Burdagsklem frå Besta og Besten.



1 ÅR

Benjamin Opsal Lianes

Gratulerer med 1-årsdagen til godguten vår den 16. oktober! Vi er kjempestolte av deg. Stor bursdagsklem fra mamma og pappa.




1 ÅR

Benjamin Opsal Lianes

Gratulerer med 1-årsdagen din 16. oktober, Benjamin! Glad i deg, klem frå mormor og tante Aurora.

More-Nytt FOLK



Frister: For å få helsinga i papiravisa må den bestillast på **folk.morenytt.no** innan kl. 10 arbeidsdagen før innrykk.



BOK: I heimbygda Folkestad på Sunnmøre har forfattar og lærar Bjørg Folkestad Kile vore nokre veker i haust. Til dagleg bur ho på Roaldsøy i Stavanger. Nyleg har ho gjeve ut boka «Lillebror, hvor er du?» som handlar om sjukdom og død - og dette å kunne gle seg over dei gode minna ein har om dei ein saknar. FOTO: HJØRDIS ALMELID VIKENES

Sorga sitt landskap kan ha lyse minnefargar

Har du mista nokon du er glad i? Det har Bjørg Folkestad Kile i frå Folkestad gjort.

Då ho var fire år, mista ho lillebroren sin. No har sunnmøringen gjeve ut si andre bok, og boktittelen på den nye boka er «Lillebror, hvor er du?». Bjørg har skrive teksten og hatt idéen til boka, medan det er Herdis Selnes som har illustrert boka.

– Eg har arbeidd med barn i 40 år i barnehagar og skular. Det har gjort at eg har fått erfaringar som eg vil dele med både barn, føresette, tilsette i barnehagar og skular - og andre som er i kontakt med barn. Eg har fleire bøker i hovudet, så eg håper dei etter kvart kjem seg ut derifrå og over til papirformat, seier Bjørg Folkestad Kile.

I haust har ho vore i heimbygda i Volda kommune, der ho og mannen har eit hus. Dei er busette på Roaldsøy i Stavan-

ger, og det er i Rogaland ho har hausta mangeårige erfaringar med å arbeide saman med barn.

Barn har spørsmål

– Denne boka handlar om ei jente som misser lillebroren sin, og dei tankane jenta gjer seg, og dei prosessane ho går igjennom saman med familien sin. Boka er først og fremst skrive med tanke på born i alderen 3-6 år, men då eg var på skulebesøk tidlegare i haust, sa den skulen at boka også passa for 10-åringar.

– Kvifor skriv du ei bok som handlar om det å miste nokon?

– Då eg var fire år, mista eg lillebroren min som var eitt år. Han døde på grunn av sjukdom. I skulesamanheng har eg møtt døden i form av at ein elev døde. I den samanheng hadde borna mange spørsmål kring dette med liv og død. Eg har brukt erfaringane eg har fått i løpet av mange arbeidsår i bar-

nehagar og skular og sett saman ei bok som eg håper kan vere til hjelp for både barn og vaksne for å få gode samtalar kring dette med sorg, sakn og ikkje minst det å ha gode minne om andre i sorga sitt landskap. Herdis Selnes har laga flotte illustrasjonar til teksten min. Håpet er at teksten og bilda kan hjelpe andre til å snakke også om dei gode minna ein har etter dei som er døde, og som ein saknar i kvardagane.

Å gle seg

For forfattaren er det viktig å understreke at det også skal vere lov å vere glad igjen, sjølv om ein har mista nokon ein er glad i. Døden er ein naturleg del av livet, og det er sorga også.

– Eg var så heldig å få kjennskap til Herdis då eg var på eit skrivekurs i Italia saman med andre der som kjente henne. Vi har arbeidd oss fram og tilbake på dette bokprosjektet i godt

fellesskap over litt tid. Boka er utgjeven på mitt eige forlag, Folkestad Forlag.

Biblioteksentralen har kjøpt inn boka. Det same har Universitetet i Stavanger, og bokhandlarar både i Stavanger og Volda har boka for sal.

– Førsteopplaget er på 500 bøker. Eg har så langt fått positiv respons på boka. Det er veldig spennande å gje ut bøker. Den første boka mi, med tittelen «En venn», vart også godt motteken. Ho var skriven med born i alderen 3-6 år som hovudmålgruppe, og tenkt som ei samtalebok om kva vennskap er for noko. Ho tenkjer eg passar til ei samlingsstund, eller ei høgtlesingsstund. «Vennskapsboka» tek for seg det å ha vennskap på ulike måtar. Det var elles først då eg vart pensjonist at eg kunna ha fullt fokus på bøkene eg har gått og tenkt på i mange år, fortel Bjørg Folkestad Kile.

HJØRDIS ALMELID VIKENES